

嘉慶松江府志

松江府志卷十二

山川志

海塘

唐開元元年築捍

雲開志作瀚

海塘起杭州鹽官抵吳松江長

一百五十里

顧志長百二十四里

按唐書地理志鹽官有捍海塘隄

瀚海塘西南抵海鹽界東北抵松江長一百五十里與

唐書所載明是二條而顧陳二志皆云起鹽官抵吳松

江長一百五十里注云參前志唐書地理志是強合之

也郭志因之作一百三十里又傳會唐書百二十四里

也考鹽官卽今海寧州自州城沿海而東五十里至尖

山漸繞而北越海鹽之澉浦至平湖獨樹營長一百餘

里始入松郡金山縣境北越柘林奉賢南匯西折至川

沙長二百餘里又五十里抵寶山縣境又十餘里抵吳

松口寧城至此統長四百一十里有奇道

宋乾道二年詔秀州華亭縣張涇牐今年十一月興修宋史

食貨志 宋史本末及許克昌涇河置牐牌記詳水利

十三年兩浙轉運副使張叔獻言新涇塘置牐又於兩

旁貼築鹹塘徐浦塘築堰招賢港更置一石礎宋史河渠志

按乾道起乙酉訖癸巳共九年甲午改元淳熙而河渠志於乾道二年七年間書十三年張叔獻十五年吳炯二條不載年號錯簡也餘詳水利

附張叔獻奏略 華亭東南枕海西連太湖北接松江江北復控大海地形東南最高西北稍下拓湖十有八港正在其南故古來築堰以禦鹹潮元祐中於新涇塘置牐後因沙淤廢毀今除十五處築堰及置石礎外獨有新涇塘招賢港徐浦塘三處現有鹹潮奔衝涇塞民田今依新涇塘置牐一所又於兩旁貼築鹹塘以防海潮透入民田其相近徐浦塘原係小派自合築堰又欲於招賢港更置一石礎兼陽湖歲

久今稍淺澱
自當開濬

乾道七年秀州守邱密移新涇堰於運港願堰成并築

堰外港十六所

雲間志言運港堰外別有港汊大小十六所亦

合興修雲間志同顧陳郭三志則云邱密修華亭十八堰與史志稍異

附諸堰

運港大堰 驢涇堰 黃姑涇堰 張戀涇堰 老兒

涇堰 何家涇堰 善家涇堰 徐家涇堰 邵家涇

堰 新開涇堰 招賢涇堰 管家涇堰 張涇堰

戚家涇堰 丫叉涇堰 吳塔涇堰 蔣家涇堰 竹

岡堰 沙岡堰 以上諸堰皆當時增築嘉禾志又有

防海鹽塘石湖隄塘鹹堰將軍堰通前志凡二十餘所

自增築海塘諸堰皆廢今所存者惟張涇一堰一牐故

時港名亦多改易不可考矣

顧志按舊志載堰之利病其詳然明時已不可考

與今水利無關故但附載堰名餘皆從略

附邱密奏略華亭東南大海古有十八堰捍禦鹹

湖其十七久皆捺斷不通裏河獨有新涇塘一所不

曾築捺海水往來遂害一縣民田緣新涇舊堰迫近

大海潮勢湍急其港面闊難以施工設或築捺決不

經久運港在新涇塘向裏二十里比之新塘水勢稍

緩若就此築堰決可永久堰外凡官民田皆無鹹潮

之害其運港止可捺堰不可置牐不惟瀕海土性虛

燥難以建置兼一日兩潮通放鹽運不減數十百艘

先後不齊比至通放盡絕勢必晝夜啓而不閉則鹹

潮無緣斷絕運港堰外別有港汊大小十六亦合興

修從

之

八年詔特轉邱密左承議郎令所築華亭捍海塘堰趁

時栽種蘆葦不許樵采

宋史河渠志

附邱密奏略 密又言興築捍海塘堰今已畢工地理闊遠全藉人力固護乞令本縣知佐兼帶主管塘堰藏事繫銜秩滿視有無損壞以爲殿最仍令巡尉據地分巡察

九年又命華亭縣作監牘官將卑薄處時加修捺令知

縣尉竝帶主管堰事

宋史河渠志

淳熙初華亭知縣劉俛繕竝海秦山鹽鐵蚌港三堰

宋史參修

郭志劉俛傳 按華亭志此條繫在紹興三十年考雲間志職官題名劉俛淳熙元年任趙汝護淳熙三年任然則劉任華亭自淳熙元年至三年也華志稱紹興三十年者誤以成進士之年爲之官日耳

元大德五年築華亭縣捍海塘

江南通志 塘高一丈面闊一丈底二丈

至正二年都水庸田使司增築華亭縣捍海塘

江南通志

海塘紀略云

合修去處共八十九段長一千五百五

丈八尺為庸五十二萬五千三十糧五千四百一十六

石有奇行省臺虞以所料浩大時急難究改議怯薄者

添土幫修低窪者增高築壘自六月辛亥卒戊辰為日

一十八庸四萬二

百一十三而較

明永樂二年冬命水官何傅督修海塘

江南通志

成化八年知府白行中築捍海塘

顧志

附築塘始末

初沿海並有塘隄歲久頽圯七年秋

大風海溢漂人畜沒禾稼巡撫都御史畢亨巡按御

史鄭銘水利僉事吳瑋僉議復隄行中承檄委同知

傅愷楊憲知華亭縣戴冕知上海縣王宙之督工興

築每淡辰行中輒一臨視越兩月而塘成華亭自海

鹽抵上海界築三萬四千七百六十有九丈又為外

隄起咸漂至平湖界五十有三里上海自華亭抵嘉

定界築一萬七千七百四十有八丈而廣二丈址倍

之高一丈

有七尺

附曹印儒海塘考海塘之制本為捍禦鹹潮以便

耕稼唐開元初名曰捍海塘起杭之鹽官迄吳松江

長一百五十里宋乾道中元至正初皆修焉起嘉定

之老鵝鰲以南抵海寧之澉浦以西高於城垣內外

皆有成地溝相夾國初信國公湯和經略海防倚以為

固至成化中頽廢巡撫畢亨益增其舊及裏護塘兵

農雨

濟

嘉靖四年水利僉事蔡乾修海岸

江南通志

二十二年巡撫蔡克濂修捍海塘檄太學生喬鎰董其

役捐貲首倡兩月訖工凡九十里

江南通志

萬歷三年巡撫宋儀望巡按邵陞巡鹽王藻水利副使王

叔杲檄松江知府王以修華亭知縣楊瑞雲修築捍海

塘

江南通志

附徐階記略

華亭縣故有捍海塘按志塘築於開

元元年縣創於天寶十年則塘固先縣而築矣豈塘

成之後海水既不闌入而江湖之水又藉以淳蓄故

耕者獲其利日富日藉而縣因以建敷萬歷三年夏

五月晦海大風鼓浪山立怒號而西注敗塘於滌闕

於白沙漂沒廬舍百十區潮乘其缺日再入流溢四

境潮味鹹所過禾麥豆蔬立槁適歲旱民不得灌漑

太守西蜀王侯以修檄知縣事南海楊君瑞雲往視

楊君冒盛暑循海行二百里具得其狀以白侯侯首

議修築費巨無所給或謂民可役也巡按御史姚江

邵公陸曰華亭人疲矣吾奚忍益之亟出贖金五百

兩俾侯經始巡撫中丞永豐宋公儀望聞之出贖金

三百督鹽侍御真定王公藻出贖金百侯亦出贖金

二百及河夫之直二百六十召徒役具器用囊模船

果為設禁令陳賞罰擇典史林國惠千戶李國美百

戶濮文卿使董厥功畚築日奮塘亟告成長八百五

十丈有奇高厚各一丈五尺止加厚二丈川原底寧

行其上者若坦途耕於其內者若倚平岡不復虞鹹潮之入也

十二年上海知縣鄒炳起工築外捍海塘越明年松江

府通判鄒志學知縣顏洪範成之江南通志長九千二百五十丈五尺

十六年水利副使許應達修築上海李家浜老鴉背海

岸十八里明史何渠志餘詳水利

崇禎七年舊志作八年而省志華亭志海塘紀略皆云七年從之知府方岳貢華亭

知縣張調鼎始於崇禎建捍海石塘江南通志長二百八十九丈內患

口一百一十九丈疊石十二層高一丈四尺東西兩塘接連患口一百一十七丈疊石十一層高一丈二尺八寸東

盡塘五十三丈疊石十層高一丈一尺六寸八年十二月工成先是崇禎橫徑衝開塞而復決壘以巨艘鑿兩

端釘以長木挑泥實之船沉而加泥於其上塞甫定潮從船底窵入復崩壞曹家駒創椿木竹笆圍皮之法乘

小汛急釘築一層先阻潮勢次於內疊築三層決口乃塞於是往海鹽募石工築石塘是役也用塘石四萬四千七百五十四塊護椿石二千二百二十九塊結面六尺縱石一千七百三十八塊五尺長橫石五百七十四塊用椿木一萬七十株費二萬一千八百有奇曹家駒海塘紀略紀始末工料甚詳此特其大略也董其役者孝廉吳嘉允並有祭海神文大學士錢龍錫爲之記其意旨大略相同故不具載

十三年知府方岳貢疏請續築石塘海塘紀略

附何剛續築海塘記 華亭東南瀕海自柘林堡延袤而西數里爲漕涇中開地勢拗入是名崇閘先是皆土隄潰於崇禎甲戌郡大夫襄西方夫子茂宰張公屬吳繩如先生率諸里老創建石塘二百九十餘丈海患遂息崇禎庚辰秋復潰左右土塘方公憂之臨子曰今將續建石塘邦之賢者推子父老戴子請董其事剛辭曰下士守古之道才能短劣不堪嗣前人有功方夫子強勉者數且曰子有慷慨之志辭瘁憂議非所望也子不獲已先布告通衢於九月既望齋

戒矢於神明焚誓書從僕二人亦令向神誓是日至
崇缺先奉大夫茂宰僉用士民曹家駒等二十五家
編號自來字至生字止祀土興工同役咸集先經茂
宰李公相度東段舊石塘起左延二百三十四丈九
尺又西段舊石塘起右延一百一十丈四尺通共三百
四十五丈三尺申文分兩回興作先束後西十六日
子同詣父老履眺數巡時畫潮驟至迴激飛騰雷奔
電洩左右土隄竝齧斷數口木柵竹櫓噓嗚搖動人
心皇皇予俯而思曰觀此形勢東西等危從事於東
倘西旦暮潰彼此不能獨置而全舉則物力不給分
兩番則三歲功矣士民不堪久役莫若東西並舉而
縮其數徧質父老僉以爲然圖上郡大夫茂宰報可
遂以來字至致字一十八號敘列東段以雨字至生
字七號敘列西段每號十丈五尺有奇迺集同事者
日今下木椿矣千百年基址樁固於茲必躬親否則
有罰卜十月二十日同時興工伺潮汐之間壘沙深
及丈朝嘗戴星昏嘗篝火力作已而皆成溝塹濤至
斯沙台爲往斯沙盈枯棹邪許聲徹數十里時漸偏
江寒諸人立本號高原海濺迅烈皆鰲面穉容子不
忍不走東西與諸人同之且察匠工之掩欺也有終

日不移趾者慰勞紀績否則呵責下椿次第竣於是
選石疊砌石取堅正工琢取細密合縫取縱橫交錯
咸以一十五層為限凡諸式制禁令悉遵吳先生勿
敢失也伯功半而吳越采石之舟官取輓漕中閒少
緩以庚辰九月始事以辛巳十二月卒功為時十有
六月凡建石塘二百五十八丈二尺二寸凡經郡邑
區處工料銀二萬七千六百六十六兩四錢三釐頒
給諸役子皆寓目無錙銖耗也郡邑吏胥無敢求索
也差役有故到塘人給口食不少溢也匠工雜役酌
酒賂博有懲也私家賄補短長不等可屈指數也雇
役私貼有定額也工竣調除運役三分準勞費也雇
役各免其半中情理也是役也賴郡大夫茂宰朝報
夕可賞信罰必得藉

附錢龍錫績築海塘序略 庚辰秋續築海塘計尺
二千六百三十五尺有奇孝廉何君憇人董役報竣
余喟然曰夫松非裕饒之國也黽勉金二萬以備所
甚急大懼貲金二萬而無二千之功謂民命何茲事
之再舉也工以數千計時以歷歲計望其成如望大
川之涯人莫不畏而辭之及數月之後端緒漸立上

懷疑而稽過下見欲而分功善事者處地更難且所
統二十五家類皆嫗友等夷非有位分相臨威令相
督也情竊自恣短木碎石聊且塞責計不數歲而墜
然善崩誰執其咎今以何君一人奔走於腥風濁沙
傭工邪許之閒督二十五家之勤情上聞上之賞罰
不能盡如吾指而督率之術已窮於是獎諭不從譴
呵無畏既不能中事謝去而告成且無日乃惋歎夫
辭者智而任者愚夫非任者之愚而使之施歎者失
也再修郡自之強起慙人也曰吾聞后夔典樂不煩
少師今君行矣無置貳信許由之廉者不疑以皮冠
發帑之事君其悉寓目焉茲二十五人勤事者復徭
成功者倍役惟君之監視以爲勸懲閱月十有六而
塘成木深土堅石齒牡合力與海關而膚石不傷塘
之內廬者賈者貧者擔者行者游者汲者炊者耕者
圖者織者咸歡然曰海國不空何君之功然使方笑
不強起何君而任之任之而又使惋歎以去欲成功
勒珉與繩如項領相望庸詎可冀乎今海內之大豈
無何君苟有事而得人任之不撓權不急成不疑以
私久之而績效著白寧獨海塘一役爲然哉嗚呼
渠海塘二千六百三十五尺耳而事理固如斯矣

國朝順治二年知府張銚修築捍海塘海塘紀略按是

四百一丈二尺六寸柘林患口東西坍塘一百六丈七

尺四寸皆土塘而非石塘也舊志誤作崇關石塘編在

順治三年遂與海塘紀略互異今據築塘本末附後俟考

附曹家駒海塘紀略石塘兩築之後西段土塘屢

有潰決郡守陳公亨補葺土塘一兩年閒復漂廬殺

稼鹹潮直入歇浦乙酉秋仲郡守張公銚節推方公

重朗下車目擊阡陌首議築塘遴選義戶五十人

復點家駒等五人為義首人韓數戶名下有不到者

郎令義首領銀代理故一月而築塘五百餘丈巡撫

都御史士公國寶親臨慰勞且諭家駒曰亟圖善

後但張公以鹽政維誤方公旋役築石終成畫餅

七年知府廖文元修築捍海塘海塘紀略長六百二

百二十四兩有奇先是六年九月望夜無風而湖大至

從塘面騰入西起梅林徑東至周公墩衝開患口數處

時功令革除八釐舊例府以塘長曠銀申請至是正

月興工八月告竣董其役者三人包爾庚宋徵璧吳欽

章包宋中道謝去欽
章一人專董其役

十二年知府李正華修築土塘并石塘

海塘紀略

附頂築各畝 胡家港東土塘一號十五丈五尺十一

保一區一畝頂築二號十五丈五尺十畝頂築三號二

十丈二十九畝頂築四號二十丈二十一畝頂築五號二

十丈二十二畝頂築六號八丈增舊塘四十六丈二區

三畝頂築 崇闕墩前土塘七號五丈十一保二區四

畝頂築八號五丈五畝頂築九號四丈六畝頂築十號

四丈七畝頂築十一號四丈九畝頂築十二號四丈十

一畝頂築十三號四丈十八畝頂築十四號四丈十二

保一區二十畝頂築十五號四丈二十一畝頂築十六

號四丈二十三畝頂築十七號四丈二十四畝頂築十

八號四丈二十五畝頂築十九號五丈二十六畝頂築

二十號五丈二十二保二區六畝頂築二十一號五丈十

一畝頂築崇闕墩東上塘二十二號二十七丈五尺十二

保二區十六七畝頂築二十三號二十七丈五尺十八

畝頂築 崇闕墩後土塘二十四號二十九丈十二保

二區十九畝頂築二十五號二十九丈二十二畝頂築

海塘

山川志

二十六號一十九丈十二保三區三四五畝頂築二十
七號一十九丈方八畝頂築二十八號一十九丈十畝
頂築二十九號一十九丈方十四十六畝頂築草庵
西土塘三十號三十七丈五尺十二保三區十五畝頂
築三十一號三十七丈五尺方二十畝頂築三十二號
三十七丈五尺十二保四區一畝頂築三十三號三十
七丈五尺七畝頂築三十四號三十七丈五尺八畝頂
築草庵前土塘三十五號三十七丈五尺十二保四
區九畝頂築草庵東土塘三十六號三十七丈五尺
十二保四區十二畝頂築三十七號三十七丈五尺正
三十九號三十七丈五尺正十四畝頂築石塘內填
土四十號六十五丈十二保一畝一十五畝頂築四十
號六十五丈十二保二畝頂築四十二號六十五丈
頂築四十三號六十五丈四畝頂築四十四號六十五
丈六畝頂築四十五號六十五丈五畝頂築四十六
號六十五丈七畝頂築四十七號六十五丈八畝頂
頂築施家路口土塘四十八號二十一丈十三保一
區二十一畝頂築四十九號二十一丈十三保二畝
五十號二十一畝頂築五十一號二十一畝頂築

四十二號二畝頂築五十二號二十一丈四十三畝頂築五
十三號二十一丈十三保二區方二畝頂築五十四號
二十一畝二十一丈二十九畝頂築五十五號二十一丈三十一
畝頂築五十六號二十一丈三十二畝頂築五十七號
二十一畝三十三畝頂築五十八號二十一丈四十一
畝頂築三十三畝頂築三十六號五十九號四十三畝頂築六
十一號四十三畝頂築六十二號四十三畝頂築六
十四畝頂築六十三號四十三畝頂築六十四號四十三
畝頂築六十四號四十三畝頂築六十五號四十三
丈三十四畝副一區正一七畝頂築六十六號四十三
頂築六十八號四十三畝頂築六十七號四十三畝頂築六十九號
丈副七十八畝頂築七十號二十八畝方十畝方十一
畝頂築七十一號二十八畝方十二畝方十三畝頂築
蔡家路口土塘七十二號四十八畝廿九畝頂築七十
畝頂築七十三號四十二畝二區八畝廿九畝頂築七十
四號四十二畝頂築七十五號四十二畝頂築七十
兵廠前薛家路口土塘七十六號四十二畝頂築七十
區十二畝頂築薛家路口土塘七十七號四十二畝頂築七十

四保二區十三畝頂築七十八畝頂築四十丈三區十七畝
頂築七十九號四十丈十八畝頂築八十號四十丈二
十三畝
頂築

康熙四年巡撫韓世琦修築捍海塘紀略

附中丞韓世琦檄略 據該府詳覆以紳庶公陳酌
移額派之塘長協力塘工似亦兩便而該府以地方
有遠近之殊若令各分疆界恐乘機包攬躲閃尅減
弊又不勝議將工料定數明白曉派使奸胥無所施
其伎倆固屬至當但塘長一役先經山東道御史施
條 奏止許用力不得派銀部覆奉
旨通行在案今若派銀惟恐有違前議惟是塘之堅浮工
之難易誠沿海者習練輕熟故前有人夫出於沿海
之說安通判稟以塘長務令正身到工以除地棍包
攬是又拘泥不若先將綜核監工之頭目慎加遴就
分經畫界責令專司然後分撥塘長縣官印給完工
票每名一張交發管工頭目收執印票不給
與塘長繳廳歸農安通判止稽比印票不必以身之
正次料之有無細責塘長或工料不備或人夫不齊

聽頭目呈稟方許拏究爲此仰將發到本院名帖二
通先發一通專員致請孝廉吳欽章到官公同酌量
再舉才望素推鄉紳一位一面呈報一面亦卽專員
齋帖致請會商築塘機宜候兩紳齊集該府廳將滄
閘一帶應鈔築土塘一千一百九十五丈酌計應用
分管督工者若干人聽各紳采輯輿論卽於沿海附
近地方推求殷實才幹不拘貢監生員耆庶凡廉潔
好義者舉報姓名該府廳同各紳用帖請出分疆畫
界每人各管幾丈先將某處起至某處止幾丈定某
人監管備造一樣二冊限開印後三日內送院查核
一面將華婁上青四縣畝分各照新均捆束編列仍
於每畝細注原田畝名凡府志所載荒區以暨頂築
舊塘畝分照例注明其餘一槩不得混注每縣各造
二冊同松江府志刷印二部限開印後五日責令冊
房經承親齎赴蘇投院聽候酌撥定奪卽有不明以
便立時喚詢事關重大不得已而借民力以禦民患
全賴府廳各官暨共事矜耆秉公持廉不惜嫌怨無
逞已私無滋濫擾庶鼓台郡人民各生好義之心并
力告成聽候具題分別旌敘
勿縱奸民奇設謀滋弊致干糾察

又檄略 本院將送到各冊躬加詳閱除頂修并坊
廂荒畝均應免撥外實在華婁二縣熟畝共四百一
十九畝上青二縣熟畝共三百六十四畝今照該府
原議塘係附近華婁用十分上青協濟五分是上青
之熟畝兩畝朋配華婁之熟畝一畝哀算共折實熟
畝六百六十六畝安俸原勘冊報應抄築塘一千二百一
十五丈議以塘長一名管築二丈應撥塘長六百七
名半今止有六百六十六畝計塘長六百六十六畝尚少一名
半相應於華亭縣荒畝之內檢出半荒者三畝朋撥
名半共湊足六百七十七畝半見舉義戶二十四名每名
下撥結二十五畝不等惟熟畝之內仍有強弱頑良
之別若發令分撥又恐人思趨避復起紛擾今本院
矢公拈派逐一撥定毋許以遠近藉口毋許官儒役
躲避每塘長一名印赴工完工票各一張俱用該府
印鈐將赴工票彙給各縣分散各畝三年分應輪塘
長收執到工如願自築聽其自為料理不許義戶衙
役串通作難朋謀撓阻如願津貼聽其自與義戶商
議代築許將所貼工料數目實填票內以便稽查以
杜多勒亦不許徇役從中作祟生事詐擾如有此情
并填票內以憑拏究其完工票各照所撥畝分各給

該義戶收執俟塘長到工完竣即將此票給付塘長
領回投水利廳銷繳仍不許衙役於銷票之際勒索
使費故意不收違者查拏重處再照此工至因乘隙
料理自散給赴工票之後限以一月為期如過一月
水利廳即催繳票如三催不繳方許示比仍不許濫
差拘押致滋擾害查前此公舉頭目原令該府廳與
夏吳兩紳會商初未行令該廳縣自報不意該廳縣
借景生情徧發名帖合縣挨查報充義戶凡小康之
家無不報及必費數金而免本院訪聞最確不勝髮
指除現在密查作俑蠶奸及行賄胥差另行懲究外
始事如此其何以必將來之無詐擾乎本院為之寢
食靡寧惟望該府廳縣嚴禁衙役矇蔽生奸秉公完
竣仍聽本院不時單騎親臨查驗如果官民格守
功令俱聽本院題不勝若工次不實責在紳戶濫差
擾責在各官三凡
無情決不姑息

七年提督梁化鳳捐築捍海塘

海塘紀略 長二千二百五
百丈捐銀二千二百五

兩十

十一年總督麻勒吉巡撫馮祐檄知府耿繼訓水利通

判周祚昌華亭知縣董士哲修築捍海塘

紀略

附中丞馮祐疏略 該臣屬松江地方偏臨大海向築內外護塘以遏狂瀾保衛田疇查各塘自康熙七年修築之後已歷四載有餘據該府縣詳報及提督臣咨移咸稱柘林蔡家馬頭等處應修築海塘共計八潮衝入內河修築難緩臣俱批行該司道確勘查議詳稱柘林一帶蔡家馬頭等處應修築海塘共計八百七十三丈零共用杉木五千二百三十二根半籬竹二千一百四十束零共用稻草七百一十二萬零共用匠工二千一百五十六工挑泥夫四萬六千七百三十九工零以上工料價直再四核減節省民力實估銀三千七百一十二兩零但夫工數萬工料盈千物力維艱公帑無額捐輸難望循照康熙三年修築成例該府商集紳耆各為保固地方捍衛民廬咸願協辦然惟藉用民力不使胥役侵染議令老成矜耆畫界督修義戶董事輿情允協似可允從伏乞

睿鑒施行

十三年水利通判董宏華亭知縣閻必崇修築捍海石

塘海塘紀略長九十一丈工料銀五百二十兩

十四年巡撫福祐布政使慕天顏檄築捍海土塘海塘紀略

自王家路朱家路大馬頭等處長九百五十九丈工料銀一千三百三十兩有奇

二十一年華亭知縣南夢班修王家村施家路潰塘華亭志

縣志

三十六年華亭知縣衛璠修捍海塘華亭縣志

四十一年婁縣知縣李遇陞修捍海塘婁縣志自江

南青龍港增高培薄

四十七年上海知縣許士貞修築捍海土塘上海縣志

雍正二年知府楊紹詳請修內外捍海塘上海縣志先

年士民顧智等以護塘東開墾陸科近患鹹潮涸沒列

上府縣願自挑築知府楊紹詳布政司鄂爾泰定議於

鹽蘆交界地挑築至是年三月府檄吳松司巡檢青浦

縣主簿督視起工至七月工將半十八日海水挾颶風

駕外塘溢內塘新築客土未堅衝決殆盡民力不能繼

冬十二月總督查巡撫吳景奏准發帑修築明年

春始竣
九月二十一日

上諭江南浙江督撫等今歲七月中颶風海潮泛溢江南

浙江沿海州縣衛所隄岸多被衝塌居民田廬漂沒朕軫

念深切已降諭旨令江浙地方官亟行賑濟撫綏毋使災

黎失所今被衝海塘若不及時修築恐鹹水灌人內河有

礙耕種爾督撫等著卽查明各處損壞塘工料估價直動
正項錢糧作速興工至沿海失業居民度日艱難藉此傭
役俾日得工價以資餬口是拯救窮民之法卽寓其中矣
將此再行飭諭務期實心遵旨速行以副朕憂恤元元至
意倘有不肖地方官扣尅工銀及怠緩不力者該督撫嚴
查卽行題叅從重治罪欽此

十二月初四日

上諭吏部尙書朱軾浙江沿海塘工最爲緊要署巡撫石
文焯前奏必須通用石塊修築後又奏稱不必用石全無
定見誠恐貽誤塘工朕已諭令法海佟吉圖作速詳議具

奏矣但恐法海等初任不諳地方情形爾曾爲浙江巡撫必知海塘緣由著馳驛前往浙江將作何修築之處會同法海佟吉圖詳查定議交與法海等修築爾卽回京朕思海塘關係民生必須一勞永逸務要工程堅固不可吝惜錢糧江南海塘亦爲緊要爾浙江事竣卽至蘇州會同何天培鄂爾泰將查勘蘇松塘工如何修築之處亦定議具奏

三年二月尙書朱軾欽奉

上諭疏覆奉

旨依議速行

附朱軾疏略 江南松江府之華婁上海等縣沿海

二百五十餘里地勢窪下土脈鬆泛捍禦塘工較他

郡尤為緊要自金山衛城北十里起至華家角止四

十餘里土塘六千二百餘丈內最險工一段自滌隔

墩至東灣九百六十九丈六尺緣大小金山聳峙洋

面山北壅積圓沙潮由圓沙金山之間直衝滌關明

時修造石塘三百餘丈日久侵蝕石塘孤露水中康

熙四十七年另築土塘經去歲風潮亦塌卸入海此

段工程實為通塘要害又次險工四段自金山墩至

西新墩七百六十八丈兵廠至張家舍二百八十八

丈倪家路至三壘墩三百六十八丈周公墩至華家角

一千四百六十八丈此四處老岸久坍新塘屢

易見在搶築抄塘潮水猶注塘下以上最險次險工

共三千八百五十四丈四尺所當易土為石以資保

障其二千四百餘丈塘脚尚有淤沙木勢稍緩堅築

土塘高一丈五尺闊三丈用條石鋪底砌邊外釘排

椿亦足捍禦自華家角至上海汛頭墩一百二十里

於沙一二里不等自頭墩至嘉定交界一百二十里

舊有土塘二道內為老塘外為新塘應將兩塘俱堅

築高厚外塘仍密釘掛椿以防衝潰其餘間有潰口

業經補築但塘身單薄應令地方官於農隙時覓雇民夫加高加厚沿塘栽種雜樹不但樹根蟠結可固塘身亦於民間大有利益臣等看畢各塘隨傳同松江府知府楊紹等酌議修築石塘之法應於地面開深二三尺務見實土乃用一丈長木椿四十根釘沒土內椿間杵築使底土堅實上鋪條石縱橫相間每石一塊長五尺闊一尺厚一尺五寸第三層每層用石二十塊三層以上每層收進五寸第四層用石十塊第五層八塊第六層至頂砌石十層蓋頂一層平鋪中間填塞碎石自基至頂砌石十層蓋頂一層平鋪條石十塊貼附土塘寬二丈三四尺高出石頂五尺照時價確估每塘一丈用石一百二十塊共用銀三十三兩八錢二分五釐椿木價銀四兩碎石價銀二兩土方石灰並雜費用銀五兩二錢五分每塘一丈共用銀四十五兩零七分五釐三千八百五十四丈四尺共用銀一十七萬三千七百三十七兩八分又二千四百丈每丈用條石鋪底十塊砌邊十塊每丈用石價銀一兩六分用銀一萬九千二百兩二錢二分共用銀一十九萬二千四百九百三十七兩八分再據該府等

稟稱修築石塘必須辦齊石料始不耽誤工夫計算
一年之內方可辦完興工等語應將現修土塘照前
估計速築完固一面采買石料俟辦齊動工修築至
支發錢糧及督修大小官員應聽撫臣何天培等另
疏題報

三月初四日

上諭朕想這海塘工程所需錢糧必多據看不過十萬上
下即可足用發往海塘效力人員若干誰往浙江海塘工
程效力若干員足用誰往松江工程效力若干員足用之
處大學士等查明面奏 大學士等將浙江海塘工程交
與何順高泓建修松江等處海塘工程交與李馥黃
叔琳金啓復李陳常之子建修繕摺面奏奉

旨照議發往

五月十六日奉

上諭江南浙江海塘已差尙書朱軾會同江浙巡撫查勘估議具奏但沿海黎庶全賴堅築海塘捍禦潮汐得以保全生聚事關民瘼朕時刻在念若塘工遲誤則海濱之人未能安居樂業所派效力人員雖經赴工惟恐遷延時日驟難告竣亦未可定著巡撫張楷法海等星速遴委幹員動支司庫錢糧立限堅築尅期報完務使永保安瀾毋得因循延緩亦不得草率塞責貽誤民生欽此

五年九月奉

上諭海塘工程關係緊要聞得新修隄工不甚堅固未知此語確否著范時繹陳時夏陳世倌鄂禮悉心詳察籌畫妥協勿得絲毫隱飾務爲一勞永逸之計欽此

附巡撫陳時夏疏略臣赴松江查勘海塘工程現築滄關至東灣計一千七十餘丈實當海潮衝要最爲險工其塘砌石十一層計高一丈五尺堅固整齊臣於築基處所查勘根底密釘木椿十分堅實誠爲永遠不壞之基離塘開運料小河一道取土以幫塘腳兼得灌溉田禾百姓稱便目今分築金山崑西段工程俟完竣後再行分築周公墩等處合將勘過築完滄關至東灣一帶情形繕摺謹奏

十二月十八日奉

上諭吳松石塘當日勘估之時於海潮紆緩之處酌量修築土塘蓋因工程浩大諸臣勘估爲節省錢糧起見故如

此定議但東南財賦之區灌漑田畝保聚室廬全賴海塘捍衛朕思海勢衝激風濤旋轉難定土塘經歷年久未免可虞不若一例盡修石塘爲百姓萬年之利似爲一勞永逸朕詢問齊蘇勒亦云甚當著陳時夏陳世倌鄂禮等將現在土塘改築石塘之處確行勘估詳悉定議具奏不得惜費省工苟且塞責務須堅固永垂久遠以副朕經理海疆愛養民命之至意欽此

附巡撫陳時夏疏略臣於十月間會同河臣齊蘇勒查勘七浦吳松河牘其時連日蘊熱忽發大風二日海潮陡長盈丈勢甚洶涌幸海塘工程十分堅固高聳民人恃以無恐臣爰思塘工共四十里其石塘三千八百五十餘丈臣前細勘崇關口工程其建築堅固之法已經備細摺奏在案惟查當日勘估之

時就海潮紆緩之處修築土塘二千四百丈間雜石塘之中臣思海勢衝激風濤旋轉無定而土塘與石塘連接仍恐波濤日夜衝齧聯絡之處歷久不堅不若一例請建石塘誠屬一勞永逸之至計今查估土塘工料一萬二千九百餘兩以次險石工計之約添木椿大石鐵錠石灰等項所增工費十萬餘兩可以一例建築石塘則成四十里之金城為海隅萬世之利矣

六年原任山東巡撫陳世倌

奏請修築土塘

南匯縣志

附陳世倌疏略 松江海塘已蒙皇恩於險工處所建築石塘其次險之工見奉

聖慮周詳為萬年鞏固之計臣於督濬吳淞之暇至沿海一帶閱視自南匯之頭圍以北至黃家灣七十餘里

舊有土塘二道內為大護塘外為小護塘每年托土幫培方得完固近有殘缺處所臣前據土民呈移送撫臣陳聽其酌議修補外其黃家灣以北至寶山城一十八里向有護塘已坍卸入海潮泛漲此處亦被浸畝廬舍拉無尺土捍禦前年海潮泛漲此處亦被浸

溢似應修築土塘以資捍禦其高廣丈尺並照上海
南匯一體接建所費無幾濱海人民均蒙保障矣
奉

旨陳世倌身在地方其中有可采著江南督撫會同鄂
禮悉心詳察秉公酌議具奏欽此

五月初六日奉

上諭前范時繹等具奏松江新築海塘工程前來朕卽料
工部堂官等未能辦理此事曾降旨諭令悉心定議及工
部議覆種種未當隨令怡親王等另行議奏今覽所奏甚
屬妥協著照所議行但仍交與范時繹等亦不過如此糊
塗辦理而已徒費時日海塘關係甚要著交與浙江總督

李衛查議具奏竝將此奏與工部堂官閱看令其明白回奏

附李衛疏略 江南松江海塘初議建石三千八百五十四丈今已築完二千四百九十八丈零若盡議改拆則人工盡棄但令將來石塘悉照海鹽舊塘式樣選取物料建築堅固將已成之工鱗次櫛比夾在中間新築三千七百餘丈左右接續卽偶有一二段損傷不難相機改補至於加高加厚卽可保固之說查勘新築塘身已不爲矮毋庸再爲加高若欲加厚則必向外幫貼新舊不相膠黏徒致糜費無益再查石塘之外有貼築土塘附於石塘之背蓋因石塘初築外當風潮內則孤立必築土塘以護之外目前潮水全賴厚無分彼此至如土塘在石塘之外目前潮水全賴此塘捍禦延袤數十里其間高低厚薄不同應俟農隙之時擇其低薄斷續處量給飯食之資沿海居民漸次培築以上一切工程必得總理分任之員督臣范時繹已經請委蘇松太道魏觀兼督但魏觀生長北方於海塘非所素習卽請

皇上命以前經手塘工之陞任京卿俞兆岳總司其事以魏觀往來會同稽查再請

救下江南督撫另於通省同知通判及水利效力各員內選擇委任管理分築仍令督撫藩司諸臣計議確估稽察則塘工可以永固矣奉
旨依議

七年巡撫尹繼善 題請派員分督塘工總聽通政司
叅議俞兆岳調度經理奉

旨允行

是年遴委佐貳四員采辦物料十六員分督塘工四千二百三十餘丈而華亭志作四千五百二丈九尺面寬二丈底寬四丈五尺高一丈

八年浙江總督李衛江南署總督史貽直江蘇巡撫尹繼善履勘條奏海塘事宜奉

旨允行

皇仁

附李衛疏略竊照松江海塘荷蒙

載臣等不借數萬帑金悉令易土為石自上年開工已及一
至華家角接續舊工先築塘至工所逐加履勘東灣起
分爲十號勘共石料工程堅固結實如法砌築較從
前迴不相同皆由總理通政司額外叅議俞兆岳身
任勤勞竭心盡力先築樣塘六十丈以爲程式是以
現在工各員俱不敢苟簡草率至通塘所需石料甚多
源濟運撫臣尹繼善就江浙兩省各官分頭開采源
悉可告成目前則崇闕迄西至倪家路一年之內當先
委各員接段興工接續舊塘以爲保固又華家角以
東添築石塘二百丈加椿土塘一百丈金山嘴之西
先行添築石塘二百丈加椿土塘三百丈兩頭俱直
與歷來老土塘相接則磐石之安萬年永奠不敢盡
行請動正項查松郡華奉婁金四縣向有民間每年
隨漕公輸歲修海塘錢每畝五文約計一年共有七
千兩之數雖不能全行完納但外護土塘業已築竣

今復以之修補石土各工缺陷滲漏尚有所餘臣等
酌議此項添築石塘四百丈計價銀三萬二千餘兩
土塘五百丈計價銀一千五百餘兩并前所請增給鑿石
石小河一道約價銀六百餘兩并前所請二次顯捐銀
工價銀兩除將候選運判朱榮椿前後二次顯捐銀
一萬五千兩抵用外其餘工費請於藩庫動支逐年
將所收歲修之錢除搶護黏補各塘之外悉以陸續
歸補數年之閒即可足額則以公完公地方民生實
有裨益

附尹繼善疏略松江石塘工程其先築之一千八
百七十餘丈已經完工臣等赴塘查勘逐工細驗俱
能修築如式內總理塘工太僕寺卿俞兆岳所築樣
塘較別工尤為堅穩非僅由於灰漿充足蓋因工內
俱用鐵筍鐵銷臣等細心講究海水平吐為力甚大
倘一石移動鐵筍斜則全身動搖惟於兩石層累之處
鑿一孔用鐵筍穿合則上下連結於橫石排結之處
各於頭尾鑿孔用鐵銷關住則左右貫穿通身之石
聯絡一片雖有風浪衝激不能撼搖較之用鐵筍搭
釘浮而易於脫落者相去懸殊今除已築塘一千八

百七十餘丈外尚有未築塘工二千七百五十餘丈
請將此未築塘工外層縱橫鋪砌之石俱添用鐵銷
鐵筍每丈需用鐵銷鐵筍五十三箇半每箇重二斤
每斤價銀一分五釐每箇重五十三箇半每箇重二斤
十五萬七千六百二十六箇約需筍銷連工銀五千
九百餘兩所費無多塘工大爲得力但石有長短則
筍銷或有增減工竣核實報銷又土塘爲石塘外護
關繫最要內有漂闕等處離水甚近爲最險之工常
年於土塘外身密釘排椿保護而潮水衝刷難以抵
禦不時坍卸臣等查土塘之外有廢石塘數百丈久
經坍入水中原題請將坍卸水中之石撈取配爲新
塘之用今查看石料短小不能配新工請將此廢石
移爲幫護土塘縱橫砌築所有撈築等項工費
卽在歲修土塘捐錢內動用實費省而工倍也

九年知府王喬林華亭知縣劉夢楫詳請修築外護土

塘長六千六百三丈四尺五寸面漂闕小石塘長八十

五寸面寬一丈底寬五丈高一丈二尺面漂闕小石塘長八十

寬二丈高一丈底幫貼土塘面寬三丈底寬五委員許

芝蘭吳任經理

十年八月初九日奉

上諭據署蘇州巡撫喬世臣奏稱本年七月十六日夜海潮涌溢近海州縣民人不及防備有被災受傷者已飛飭道員等分路查勘加意撫恤並令該州縣動用存倉米穀糶賑兼行以濟民食等語朕聞江南濱海民人被水深爲軫念雖現在委員查勘辦理但恤災拯患之道必有實心實政然後窮黎可沾實惠況小民被水之後室廬蕩然甚爲可憫著該署督撫尹繼善喬世臣布政使白鍾山等督率有司誠心撫綏毋使流離失所至於今冬冰雪嚴寒之

際明春青黃不接之時尤當豫爲籌畫資其生計亦著該
署督撫等詳悉妥議奏聞辦理又聞沿江各汛兵丁所居
營房有被水衝坍者著該管武職大臣等體恤安插俾獲
寧居欽此 十一月大學士鄂爾泰張廷玉朱軾總督尹
繼善巡撫喬世臣疏請於松江府之金山華亭奉賢
上海南匯五縣修築捍海土塘奉

旨依議

附喬世臣疏略 竊查松江府之金山華亭奉賢上海南匯五縣沿海地方西與浙江省平湖交界東至寶
山縣接壤之黃家灣綿亘二百五十餘里俱舊有土
塘以捍潮汐日久漸圯雍正二年冬荷蒙

皇上念切民瘼以江浙海塘均關緊要
特命大臣會勘自金山衛城北十里起至華家角止四十

餘里工爲最險已另擇址基易土爲石興築石工陸
續告竣工程堅固億萬生靈從此永獲保護安全其
自華家角以東至黃家灣議令地方官於農隙時雇
覓民夫將舊土塘加高幫厚惟是數年以來石土緊
要不及兼顧而地方官又以無專項可動雖偶爲修
補終無實濟本年七月十六七等日颶風爲患海潮
洶涌其在金山華亭界內者緣石塘之外舊存土塘
先經動帑修築完固是以潮水掩至即堪捍衛不致
衝漫而華家角以東之舊土塘則從前既屬軍薄又
被風激浪撼頓行坍塌海潮因得直漫內地禾棉廬
舍人民多遭傷損塘內係南匯地方較多故被災較
重次則上海奉賢自朝災後即據各縣紛紛以請築
海塘具詳臣於九月杪親赴松郡沿海查勘備悉金
山甯至華家角一帶不特石塘爲萬世之利卽外護
土塘亦甚屬堅固此番華金二邑之得免潮災者見
賴土塘捍禦之力是土塘但能如式加高幫厚自可
永久保護且查華家角以東塘身因於七月內全被
衝坍至八月十八日海潮又經涌入內地水浸二三
四尺不等明歲秋汛何能保其無虞則此塘工之修
築勢不可緩臣隨委員用營造人逐段丈量每二十

丈分爲一號按算土方多寡其在奉賢者由華家角
石塘盡處起至南匯縣東界止共丈見九千三百二
十七丈六尺其在南匯者自奉賢縣西界起至上海
縣東界止共丈見一萬五千四百六十四丈其在
海者自南匯縣西界起至寶山界黃家灣止共丈見
一千二百二十三丈八尺議以各塘俱底寬五丈面
寬二丈五尺高一丈二尺每丈應用小土方四十五
方內有舊留底土者俱行扣減有河窪缺陷者俱行
添補其中存廢不等逐一核實牽算計三縣爲塘共
二萬六千一百一十五丈四尺共用土一百三十六萬五
千一百三十一方零查現在修築土塘每方給銀六
分六釐但向係挑至三尺始行一礮土性未能膠固
今定以一尺一礮每方加夯築銀六釐給銀七分二
釐共需土方銀九萬八千三百五十四兩零又南匯
之餘角窪老洪窪上海之二十二保地方三處俱衝
連海口各應築壩堵截共需工料銀三百八十八兩
零其自頭墩至黃家灣向有土塘二道內爲老塘外
爲新塘今經閱勘外塘離海尚遠是以止議修築外
塘而內塘之工卽可從緩惟近黃家灣東北一角突
出頂衝偏近海面舊塘坍塌尤甚今將此七百四十

三丈移進半里勢竝紆坦至所築塘根皆有淤沙在外均非陡險可比無庸另施椿石致滋多費再黃家灣以北至寶山城周家基宅後止向有土塘一道逼近海濱久已坍塌前經原任山東巡撫陳世倌奏請修築仰邀

俞允

尚未興工而今秋風潮從此涌入是以寶邑被災亦

重竝宜增築今丈見四千二百二十八丈一尺有奇

其塘底亦寬五丈面亦寬二丈五尺惟地勢較低而

又近海須加高至一丈五尺每丈計該小土方五十

六方二分五釐共用土二十三萬七千七百三十二

方零共需土方銀一萬七千一百一十六兩零再此

處沙土鬆浮須用乾枯茅草栽護則久而根枝盤結

草土糾縷日就堅實應每土高三尺栽茅一帶自下

至上栽茅三帶計每塘一丈應需買運工價銀三錢

共用加栽茅草銀一千二百六十八兩零又築壩車

水等項共需銀三百三十八兩零至取土挖廢民田

錢糧統俟完工日查明請豁至此等土塘歲修竝開

緊要應照華夷奉金之例令各該縣於田畝內每畝

捐錢五文以爲歲修之費仍令解貯府庫每於冬春

之閒督撫臣委員助估督修遞年增培堅固釐毫均

歸實用工程自可經久庶免地方官吏草率侵蝕貽誤其或閒有潮汝衝缺該縣隨時一面鳩工補築一面詳明核實捐錢如蒙

俞允於正月春和先動存公銀兩漸次興工則沿海被災貧民并可藉營工資生自必踴躍趨赴來年秋汛得以有備無患長為澤國保障永冀

皇仁浩蕩矣

十二年兩江總督趙宏恩 奏請於緊貼石塘之外再築土塘一層六月十二日奉

旨趙宏恩查勘海塘工程既經親身閱歷詳細商酌所奏緊貼石塘外築土塘并酌開小河之處俱著照所請行欽此

附趙宏恩疏略 竊臣親勘松江一帶海塘綿亘數十餘里巍然屹立保衛數府田舍仰見

皇仁

聖主愛養黎元萬世永賴之利臣逐細巡視查外護土塘俱屬完固又金山背一段土工地基原低前估一丈二尺與各工塘面高低不一已飭加築平齊新建石塘內有東新墩一帶七段現在催運石料明夏方能修完其餘家墩一帶七段現在總理塘工寺臣俞兆岳及承修已修石塘如式堅固總理塘工寺臣俞兆岳及承修各員俱實心經理至添築貼石內土塘現在夯破務期堅穩臣於工員匠役逐一勸勉獎賞無不仰體踴躍出力再查石塘長至七千餘丈面寬五尺底寬一丈以臣愚見尙覺單薄其外護土塘相離石塘有十餘丈及數十丈之遠新築貼石內土塘係緊貼石塘裏面而石塘外面看去慮少幫扶誠恐日久淘侵雨淋剝落擦損似應做照貼石內土塘之法緊貼石塘之外再築土塘一層上寬五尺下寬二丈高一丈餘庶內外俱有包裹幫扶愈可繼久其濘闊為第一險工石塘係首先建築不及續修之工程堅穩則外築貼石土塘更需加倍寬厚方為周密又查石塘以外原築之外護土塘以內隙地原廣雨水頗多積注寺臣俞兆岳欲於石塘開洞三四箇以消積水前督臣范時繹尹繼善俱以恐傷塘根阻止但現據百姓

羣籲疏洩臣愚以為積水不消浸泡塘根亦有關係
若開它數洞實恐有傷塘身商之俞兆岳并細詢工
員匠民欲於隙地中間酌開小河一道圍繞石塘之
外仍不致偏近塘根於石塘尾與土塘交接之處開
砌石洞一箇引水以入石塘之內新河塘工民田均
有裨益而開河之上即可以築貼石之外土塘約計
共費二萬之內暫動司庫耗羨料理俟塘工捐錢充
足之時歸補是否有當理合一并陳奏恭候
聖訓遵行又外護土塘以內隙地開河之外猶多空閒宜
酌種蘆葦柳株日久根深盤結既可以固塘基而枝
葉暢發又可以資
民用合並陳明

十三年海防同知馮爵奉委督修金山背加椿土塘二

百八十五丈六尺東西高一丈四尺中高又修蔡家馬

頭短椿石片護隄長五十二丈面底各寬五又築上段

坦水壩長五十二丈底寬七又於金山背加椿護隄外

復築斷石排椿

長二百五十二丈面底各寬一丈一尺高五尺

乾隆元年委員陳桂紀應迪承京等督築金山頭西新墩

土塘坦水壩

長四百五十六丈底寬五丈面寬五丈高一丈二尺

又築胡家厰石

片小塘

長三百七丈六尺面底各寬三尺高九尺

又築金山背坦水壩

長二百五

十四丈面底各寬五尺高六尺

是年金山知縣王道修築裴家路土塘

二年巡撫顧琮檄金山縣丞張乾修築捍海塘外坦坡

自江浙界牌抵青龍港長二千二百八十八丈五尺高三尺而寬五尺底寬一丈五尺

六年委員張毓柯督築金山背坦水壩

寬一百丈面底各寬五尺高六尺

是年福泉縣丞王麟超督築金山縣捍海塘

塘舊高七尺底築坦

坡寬五丈是年海防道程夢瑛遵巡撫顧琮遞年增高法議於新築坦坡之上加築四尺高齊舊塘請於憲報

可七月動帑二千三百兩有奇檄麟超督工興築高七尺面闊三丈二尺五寸

七年委員吳耀督築金山菁林家灣胡家厰滌關蔡家

馬頭五處加高土塘長一千七百七十八丈

十二年委員鄒越陽孫宏度督築通塘加高土塘長七

百五十一丈九尺三寸六分高一丈二尺面寬二丈底寬四丈五寸是年奉賢知縣劉曄

澤請帑修築土塘加高二三四尺塘面通准二丈費銀五千三百兩有奇至十四年知縣李

治灘加築完工

十三年巡道檄上海知縣王挺領帑修築土塘長一千

丈二尺有奇

十四年南匯知縣胡具體請帑修築捍海塘長一萬三千六百三

十四丈八尺面寬二尺底寬五丈高一丈二尺領工料銀二千四百六兩有奇

十七年委員車策孔傳祖陳筠督築金山觜

塘坦水壩土

土戲一條三十丈面底各寬二丈高一丈五尺又龍王廟一觜築石壩四層一百十六丈壩尾添築石壩三層

各長三十丈林家觜尺腳寬四丈高一丈四尺抄塘上加築

土牛一道八十丈面寬二丈底寬三丈牽高三丈五尺又續築埭工八十一丈又築石壩四層各一百五十丈

第一層面底各寬四尺高四尺釘雙椿出土二尺入土

二尺第二層面底各寬四尺高五尺釘單椿第三層面

底各寬四尺高一丈八尺釘單椿又築東首石壩四層各一百二

尺高一丈一尺釘單椿又築東首石壩四層各一百二

十丈又築土戲二李家馬頭觜九十七丈將土壩收進

段共八十二丈層第一層出土二尺入土二尺釘椿兩層第二層高五尺添新石排椿一層第三層高八尺添新石新椿一層

第四層貼近土塘高一丈一尺面寬三尺底寬四尺添

新椿一層壩尾添石壩三層各三十丈下層砌石五尺

出土三尺入土二尺釘木二層中層高七尺釘椿木一層上層高一丈一尺面寬三尺底寬四尺釘椿木一層收進土塘挑挖之土補築胡家廠面底各寬三尺高三尺釘椿入土五尺五寸土石塘

十八年上海知縣李希舜修築土塘北從上寶交界之虬江起南至虹口

止長三千三百三十丈所產茅草聽塘長收穫以抵工食

二十七年南匯知縣孫耀德從士民顧紹愷蔡恒齋等請修築凌家

洪口圩塘

二十九年上海知縣于方桂修築土塘北自上寶界洪口南至西新塘

止長二千九百二丈

四十二年上海知縣史尚確修築土塘北自二十二保土塘工尾起南

至張家浜口止
長二千四百丈

四十三年署知府巴通阿華亭知縣林培由請帑修築

戚家墩

珍字號單壩十一丈李林家觥推字號單壩十

加坦坡二十丈拱字號單壩十丈又上年墊辦問字號石壩

五十四丈并歸本石壩

年春修案內報銷

附巡撫楊疏略

竊查乾隆四十二年應修海塘

工程據布政使均屬詳報松江府屬之華亭縣境內

戚家墩林家觥均屬險要補潮汕刷傷損應行添築

草壩坦坡椿石等工俾資捍衛當據松太道陳大化

率同知府巴通阿華亭知縣林培由山親往逐細相度
按段勘明俱係應辦之工造冊核實銀數請項給辦
由司具詳臣查本年海塘應行修各工計估需
工料銀一千五百七十四兩零久逾固限急應辦築
之工循例於司庫公項銀動給上
緊如式修築一律完固以資捍禦

四十四年知府元克中華亭知縣林培由請帑修築戚

家墩

珍淡二號坦坡三十丈鹹

金山觜

鱗衣二號單壩

翼皇二號石壩

林家觜

問字號石壩八丈拱

石壩

統用

二十丈七尺
銀一千四百七十六兩有奇

四十六年知府梁羣英華亭知縣林培由請帑修築戚

家墩

坦水壩一層八丈添建單壩一層八丈翻築第二

又東首加築坦水壩五丈加築坦水壩一層二十一丈五尺

又東首加築坦水壩一層三十一丈金山觜
翻築第二三層坦水壩各四
丈壩十
林家觜
翻築第一二三層
石壩

四十八年知府梁羣英華亭知縣林培由請帑修築戚

家墩

崇業重鹹四號石壩
金山觜
人皇文三號石壩

林家

觜間垂拱三號石壩統用工料銀二千

四十九年知府梁羣英華亭知縣林培由請帑修築林

家觜拱平二號加築單胡家廠賓子號加築單捍海土

塘統用工料銀入

五十年知府楊壽楠華亭知縣王應中請帑修築戚家

墩珍字號加築胡家廠賓鳴二號加築坦土石海塘統

工料銀九百六十兩有奇

五十一年知府楊壽楠署華亭知縣王夢文請帑修築

戚家墩珍字號加築坦坡五金山觜乃字號加築林家

觜商湯間平四號添築胡家廠賓歸二號加築土石海

塘統用工料銀一千九百六十兩有奇

五十二年知府楊壽楠署華亭知縣王夢文請帑修築

戚家墩果字號添築單金山背鱗鳥二號添築石壩三

單壩坦坡胡家廠歸字號添築土石海塘統用工料銀共九百四兩

有奇

五十三年署知府汪廷昉華亭知縣王夢文修築戚家

墩河淡二號石林家背推字號石胡家廠率字號添築

壩四十丈金山背衣裳二號加幫土石海塘統用工料銀入

五十五年知府馮鼎高華亭知縣程明棟署知縣李先

瓚請帑修築戚家墩重字號石壩林家背鳴字號石

霸 統用工料銀一千

附五十七年巡撫長麟疏略 華亭寶山二縣乾隆

五十五年春修塘工案內估需工料銀兩四千一百

九兩零例於司庫正項銀款動支業於 奏銷案內

造報開除給領仍應遵例專摺 奏報因上年三月

內臣赴海塘勘工見前項椿工多有歪斜即將已給

之銀照數追回扣存司庫責令該員等另行拆修茲

據報前項工程拆修整齊一律穩固飭委松太道通

恩查驗屬實所有前項追回銀兩仍應按數放給合

並陳明

附戶部咨略 江南司案呈嘉慶元年二月初六日

准江蘇巡撫費淳咨稱據署布政司詳稱乾隆五十

五年春修華亭寶山二縣塘工估用工料共銀四千

一百九兩一錢八釐當時前院閱前院福俱未專摺

具奏嗣前院長於 奏報動用耗羨銀兩摺後附列

奉部 奏明將估需工料銀兩不准開銷行令著落

前院閱福長並前院

奇名下四股分賠

五十六年知府馮鼎高署華亭知縣李先璜請帑修築

上年風損戚家墩果字號土塘五丈珍芥薑河金山背

人思衣裳四號土塘四號土塘五丈珍芥薑河金山背

石壩一百二十六丈林家背議國有虞弔伐商湯間道

二百二十餘丈又前華令程明憐賠修重民二號土石

塘工五十六丈八尺前華令梁蘭生賠修果平二號土

塘石壩土石海塘統用工料銀三千又署金山知縣鄭

濂署南匯知縣姚培原協同華亭捐築 奏外塘工三

百三十七丈統捐銀七百兩有奇

五十七年知府李廷敬華亭知縣鄭濂請帑修築戚家

墩珍李柰薑海鹹六號金山背鱗潛火乃翼龍六號林

家背廣安二號石壩統用工料銀一千九

家背廣安二號石壩統用工料銀一千九

五十八年知府李廷敬華亭知縣王勸捐修金山

德鳥服衣六號石林家背推國虞安砥周坐問道垂拱

壩三十三丈五尺平十一號石壩七十二丈

胡家廠壩率字號單土石海塘統川工料銀一千九

附布政司張檄略准松太道咨稱華亭縣境內

金山背等處海塘本年應行添建翻築春修各工該

府於三月初四日督縣勘估取造冊結移司詳辦等

因當查海塘工程例應上冬勘明估報給辦本年春

工因何上冬未據勘報應令賠修完整報驗咨覆飭

遵茲因前項工程係捍禦潮汛保護民生要務該府

縣等或以現今賠修無項可支竟不上緊修墊抑或

草率從事俱未可知將來伏秋大汛為害非淺又經

本司詳請督撫二憲徑行貴道就近專督辦理勒限

四月內照估趕辦完竣由貴道親往驗收呈報查核

五十九年知府李廷敬華亭知縣王勸請帑修築金山

背翔潛火恩始文衣七林家背推位讓國有虞陶安問

號石壩三十八丈

三百五十
二丈五尺
胡家廠體字號土塘四十三丈率土石海塘

按是年修築土塘石壩四百六十五丈五尺統領工料銀四千四百七十五兩有奇又前華亭知

縣李先瓚鄭濂捐修碎石塘工長二十一丈統銀二百十四兩有奇又民

築土塘長一千八百二十二丈估計土八千三百九十四方統銀九百六十五兩有奇

嘉慶二年知府趙宜喜華亭知縣王勸請帑詳派署奉賢

知縣王桂懷上海知縣湯燾南匯知縣張桂林協築戚

家墩金山菁林家菁胡家廠土石海塘

潮倭巡撫費淳疏略竊查華亭縣碎石椿工抵禦海潮攸關險要乾隆六十年冬間委員查勘並無春修

工程閱今一載潮汛汕刷椿石均有坍損亟應照例估修臣因遵

旨在徐州查辦積水賑務不克親勘檄委蘇州布政使西成覆加勘估據報華亭縣戚家墩應修石壩二百五

丈八尺金山嘴應修石壩四百七十六丈三尺林家
嘴應修石壩三百六十二丈九尺俱因頂對大洋潮
水衝擊樁木碎石實多朽陷坍卸應各加添椿石翻
築修理又林家嘴單壩一段因地處險衝不足抵禦
應加築坦坡一層計長十八丈通計應修工段共長
一千六百三十三丈實需工料銀九千二百三十八兩零
悉與道府勘估相符核無浮冒請於司庫正項銀內
動支給發飭令價修完固報候驗收等情臣覆核無
異當飭動項修築並令該管道府督同華亭縣趕緊
辦理務期工堅料實不得稍有偷減草率俟塘工報
竣親往驗收飭造工
料細冊送部核銷

六年知府趙宜喜署知府康基田華亭知縣王勸詳請
借帑搶築土塘

附總督費淳檄略 華亭縣沿海土塘本年七月十
三四五等日風潮刷損量計工長二千六百四丈八
尺共估土二萬五千四百八十九方九分實需土價
銀三千九百五十八兩四錢五分六釐如循照向例

民修恐此次工程浩大民力拮据照乾隆四十六年
風損塘工之案借帑於明歲春融隨同椿石壩工與
婁金青三邑分段修築仍於嘉慶八年
由華亭一邑按畝徵還歸款以紓民力

七年署知府康基田華亭縣知縣王勸請帑詳派婁縣
知縣楊桂金山縣知縣鄭人康青浦縣知縣溫恭協築
戚家墩金山觜林家觜土石海塘

附巡撫岳起疏略 竊查嘉慶七年各屬應行春修
塘工前據松太道詳報華亭縣境內戚家墩等處
外椿工被潮刷損均應按段修築其原有土塘單壩
處所因係頂衝險要必需加築單壩以資捍衛通共
工長一千六十一丈七尺估需工料銀九千八百四
十一兩零請飭藩司動項給辦又刷損民修土塘自
戚家墩至胡家廠止工長二千六百四十八尺共估
土方夫工銀三千九百五十八兩零因工段縣長民
力不無拮据竝請借帑修築等情當經親往查勘
奏蒙

聖恩允准動項給辦在案嗣屆春融督飭司道府嚴飭該縣等按照丈尺實工實料如式趕辦去後茲據具報各工於七年五月二十二日完竣即往塘工逐段履勘與原估丈尺相符釘椿築石亦俱一律整齊其餘舊工並皆穩固惟椿間有一二處微覺閃裂玲瓏碎石被潮衝激不能如新工完好其分別填築修補務與新工一律整齊再查此項舊工雖均逾保固定限然椿石俱尚堅實修整所費無幾令承辦各員捐辦以期經久而資深衛將承辦各工料分別核實造冊具題請銷并將原借修費銀兩俟屆期按田攤款徵完

十年七月初八日奉

上諭據汪志伊奏淮揚二府屬於閏六月初四五十二三等日風雨大作水勢加長內興化東臺二縣全境被淹江都等五州縣較原勘被淹分數續增二三四分不等又松

江太倉二府州屬之寶山華亭等處各塘工閏六月初間風潮多有刷損內崇明一縣因海潮漫溢入城倉廩牆垣亦閒有坍塌又海州宿遷等五州縣有飛蝗入境桃源九里岡等處蝻孽萌生各等語准揚各州縣本年因湖水漫溢民田廬舍先有被淹茲又因雨水過多致興化東臺二縣全境被淹江都等五州縣亦被淹較甚小民倍形失所殊殷屢念著該督撫卽遴委委員迅速查勘被災民戶一面先行撫卹再將應如何分別蠲緩給賑之處由驛奏聞候朕降旨施恩不可遲緩至海州宿遷等州縣既有蝗蝻恐於田禾有礙該督撫現飛飭該管道府親往確查如查

明業已撲挖淨盡則已倘莊稼傷損成災卽據實奏聞不
可諱飾其松江太倉二府州屬被衝海塘及倉廩城垣間
有衝損之處著查明照例估辦將此諭令知之欽此

附巡撫汪志伊疏略臣查閏六月初四五等日係
東北大風兼伯海潮大汛臣恐松江太倉二府州屬
沿海塘工有衝刷之處飛札飭查去後茲據寶山縣
稟報衣周塘并談家浜胡巷鎮等處石塘面土間段
衝塌計共二千八百餘丈華亭縣稟報城西南二門外隄
岸地本近海被潮衝損漫溢入城倉廩牆垣間有坍
塌鎮洋縣稟報劉河南岸塘工被損有限業經該縣
修補完固其各屬沿海禾棉因潮汐易長易落均無
妨礙而腹地禾棉得此樹雨益加長發等情臣當飭
委署松太道周錕就近查勘塘工如有險要處所卽
先行督縣堵築以資捍禦并一面通查被衝各塘
確估丈尺具稟到日臣卽親往查勘照
例於秋汛後查核實在奏請辦理

十一年二月十一日奉

旨鐵保汪志伊會奏動款修理寶山縣海塘石工華亭縣
石壩各工竝懇借項修築兩縣土塘等摺著照所請寶山
縣之海塘石工共估需銀一萬六千六百四十四兩二錢
六分華亭縣之石壩各工共估需銀九千四百一十五兩
九錢零均准其於司庫正項銀內動給修築其例應民修
之寶山縣土塘需費銀八千九百一十兩五錢五分九釐
華亭縣土塘需費銀二千七百八十兩九錢零均准其借
帑興修照例分限按用攤徵歸款該督等仍應嚴飭承辦
官吏無論官修民修各工均須按照丈尺料實工堅如式

趕辦勿任稍有草率偷減以資捍衛欽此

是年知府鄭濟燾華亭知縣李紹洛奉檄詳派奉賢知

縣艾榮松南匯知縣張昌運協築戚家墩

光果珍李柰葉重芥薑鹹

河淡十二號第一層石壩一百八十三丈

金山背鱗潛

三尺第二層石壩一百五十一丈三尺

龍師火德鳥官人思文乃服衣裳十七號第一層石壩

龍師火德鳥官人思文乃服衣裳十七號第一層石壩

家豬愛二十號第一層石壩三百二十四丈四尺第二

層石壩七十丈九尺土石海塘

附巡撫汪志伊疏略

臣查華亭縣戚家墩等處限

外制損石壩各工及加築單壩二層通共工長一千

七十四丈八尺估需工料銀九千四百一十五兩零

應請循例在於司庫正項銀內動給辦築俾資鞏固

而衛田廬至油刷土塘二千六百八十三丈八尺刻

應民修但工段縣長民力難勝合無仰懇

皇上天恩將民修土塘估需銀二千七百八十兩零借項

俞允此項借銀仍照例飭令該縣於嘉慶十二年分按田

如式趕辦一俟工竣即親往驗收

界址附

松江捍海土塘西起金山縣江浙界牌與浙江平湖縣分界抵上寶

界牌與太倉州寶統計部尺三萬二千九百六十三丈

二尺二寸金山二千二十九丈六尺西起界牌東至縣

華亭華亭七千八百五十一丈九尺三寸西起青龍港與

分界華亭奉賢八千四百三十三丈六尺四寸西起華家

與南匯分界南匯九千六百三十四丈八尺東起五

五墩漁水廟與南匯分界南匯九千六百三十四丈八尺東起五墩漁水廟

北至楊塘川沙撫民廳五千十三丈二尺五寸起南

七圍楊塘北至上實界牌與寶山分界以上各廳縣土塘俱高一丈二尺

面寬二丈底寬四丈四尺五寸各縣交界處內外土塘

尾皆相接華亭縣石塘七千一百二十八丈三寸高

一丈五尺久生三尺平地高一丈二尺面寬五尺底寬

一丈自李字起至空字止又內外加築包石工塘長與

石塘等面寬五丈底寬九丈石塘龍橋二千

四十七丈三尺分作四段第一段戚家墩果字起

號三百七十第第二段止第三段止第四段止

第三段林家墩第第四段止

廠率字起至被字止凡十四號四百八十七丈以上四段向例承築之員保

固三年如在限內損壞辦員賠修如限外所損確勘請

帑冬估春修

按乾隆元年以前丈量海塘皆用魯班匠尺僅有八八之數故與縣志丈尺不符保固例詳歲修

丈尺不符保固例詳歲修

築法附

雍正十一年巡撫喬世臣題准凡翻築土塘每層挑鬆

土一尺卽礮三遍築至堅實加土再礮收束至頂乾隆

元年巡撫顧琮疏准於塘外留地三丈塘內留二十丈

以備修築時取土其地錢糧槩行豁免不許旁及民田

永爲定例

按河防摘要築隄之法先將塘基行礮二三遍除去平地病根後用潤澤散土七寸行礮

三編打實五寸亦有用虛土一尺礮至七寸爲式者層
 層到頂又虞兩坦礮力不到須加礮四五編倘遇焦乾
 土塊須細細敲散用水沃潤礮之乃固又云築隄者切
 不可令夫頭包礮恐其厚土坯而惜礮力也至分段交
 界處往往各留尺餘不肯做足至頂始行礮築下面旁
 礮不同致成合漏遇陷成溝凡眠牛藏象之病皆基於
 此須合監築官逐段逐層稽察試驗不許留有合漏又
 云夏月土鬆易於墊陷冬月土凍不能疑固非緊急搶
 築仍擇二三四月八九月十月農隙土堅時修築得宜若
 夫增高加厚最懼新舊不膠須先將老隄坦坡樹木草
 根剷盡坡上切成階級每級寬尺餘後加新土層層交
 錯行礮至頂再將頂上草根剷盡頂上透牛斂俾新
 舊聯絡然後鋪面行礮層層加高乃無蟄裂又於春初
 察看坦坡如有積雪凍疎之處攢鼠爬掘之迹及蛇蟲
 小穴卽時用鋤挖透覆以新土大則行礮小則夯杵又
 隄頂兩邊有窟名曰穿井深四五尺不等填不得法愈
 衝愈大竟有填土數方不滿者故水漲時多至衝決填
 時須先將浮土盡行挖去至四面無空缺而止先用夯
 杵逐細杵打數遍然後加以新土著實杵打層土層夯
 與老隄相平另用碎土四五尺餘徐礮平切不可用乾

泥大塊補填又新隄初築及歲修工竣後皆用鐵錐釘
穴以壺水灌之水不滲漏爲度凡此諸條皆築土隄且
法海潮吞吐一遇颶風力盛於河隄石塘明崇禎七年
修築者不可不知此法故附記之
知府方岳貢創築先用椿木竹笆圍皮乘小汛釘築一
層以遏潮勢次於內疊築三層用二縱二橫條石閒砌
至十層十一層不等

國朝雍正三年

欽命吏部尚書朱軾會勘議 奏每丈用椿四十根開去

浮泥三尺排釘堅築著底三層每層用條石二十塊

長五

尺闊一尺厚 縱橫閒砌三層以上每層收進五寸第四

層用石十九塊第五層十八塊第六層至九層三面鋪

砌條石中填碎石隙處實以灰沙自基至頂砌石十層
蓋頂一層平鋪條石十塊貼附土塘 奏後

欽派李馥建築違式派賠總督查弼納復請每丈用馬牙
椿二十根梅花椿六十根生鐵錠四十六箇每箇重六
四斤六

年陞任京卿俞兆岳總理塘工先築樣塘六十丈縱砌
用鐵筍穿合橫鋪用鐵銷關住上下聯絡一片最爲堅
固於時各委員遵式釘築至今永賴焉 石壩雍正八
年巡撫尹繼善 奏於華亭縣之戚家墩金山觜林家
觜胡家厰等潮汐頂衝之處復於土塘外分別潮勢緩
急創築石壩一二三四層不等內高外低形如階級第

一層離塘五尺外用一尺六寸圍圓椿木長二丈二尺排釘堅築出土九尺中填石塊謂之單壩單壩之外第二三層離前層五六尺用一尺四寸圍圓椿木長一丈八尺排築填石以次漸低謂之坦坡坦坡之外築四層用一尺二寸圍圓椿木長一丈六尺雙築填石謂之坦水面底各寬三四尺不等潮浪衝激隨起隨卸故名玲瓏實卽坦水壩也乾隆二十八年巡撫莊有恭以坡壩工程椿高石重震撼堪虞奏改雙工兼恐根土受傷不施關簍排椿以省工費三十一年總督高晉因簍篾易朽奏明仍用單壩坦坡坦水至今遵行

附總督高晉疏略 竊查塘工做法從前係用單壩
坦水坦壩後經前撫臣莊以坡壩工程樁高石重震
撼堪虞 奏明改建雙工意非不善但查雙工以雙
編成若無樁木關關一經潮浪撞擊風吹日晒易於
朽壞 奏明資穩固經久且以寬長丈尺核算用樁較
以長樁可資穩固經久且以寬長丈尺核算用樁較
之用竹簍石料既少用工費即可節省應請仍照
單壩坦水坦壩之式修做足資抵禦但策釘樁木不
可呈露太高如雙樁坦壩樁長一丈八尺者應入土
一丈三尺如單壩樁長一丈七尺者應入土一丈二
尺樁頭出土總以五尺為限如此簽釘深
固則雖遇大潮撞擊亦不致有震撼之虞
歲修

順治二年至康熙六十一年每畝加編八釐雍正八年浙
江總督李衛疏准每畝輸錢五文為歲修費隨漕完納
解貯府庫興工給領十一年大修上南土塘巡撫喬世

臣疏准照華奉金之例徵錢五文

十三年十二月奉

高宗純皇帝上諭革除捐輸各項乾隆元年爲始除土塘

損壞仍派民修

工程浩大民力拮据者借帑興修明其年於與築各縣本境按畝攤徵歸款

石塘石壩定春修

司庫領銀搶築道庫領銀分別請帑三十一年

總督高疏准歲修限期於上年大汛後冬閒勘估明春

農隙時興築

乾隆三十四年華亭衝損海塘工程繁重稟請鄰邑協幫後每援引爲調劑之法

嘉慶元年部駁乾隆五十五年奏報遲延案內咨准

春修勘估上冬疏

題議詳修至秋汛搶築各該縣隨築條下

時墊款興修報勘領銀亦有歸并春修報銷保固年限

視工段緩急分一二三年不等工竣後稟請驗收定其殿最

雍正十三年十二月十八日內閣抄出總理事務王大臣奉

高宗純皇帝上諭河防隄岸牐壩等項一切工程凡有關運道民生者定例俱動正項錢糧應用乃各省竟有於田畝均派者豈皆出自小民之願大都上司因節省錢糧起見授意屬員爲粉飾之計相沿日久官吏藉端苛索民間所費必致數倍不特苦累民生亦於國計無補朕聞山東省挑挖運河每年有派幫民夫工食銀五萬三千四百餘

兩江南松江海塘歲修有每畝捐錢五文京口挑挖運河
每年於蘇松常鎮太等府州照額徵漕糧正耗米協解銀
三千八百餘兩蘇松常鎮太通六府州應修河渠牘壩令
長洲等三十三州縣按畝派錢五文三二文不等以供大
修并令每畝又酌量捐錢以爲歲修四川歲修隄堰令每
畝派銀一二釐不等直隸運河挑濬於天津等州縣每畝
幫銀一釐以上各款總於田畝正賦之外派令捐輸合計
捐數共十餘萬兩而官吏之藉端苛派必有不止於此者
正帑之所省有限官吏之中飽無窮著該部行文四省督
撫卽將該省捐輸各項於乾隆元年爲始一槩革除仍嚴

飭所屬官吏毋得私行徵派以爲民困其挑挖運河等項
工程需用銀兩著該督撫核實奏明於公項內酌量動用
報部核銷欽此

附戶部保固疏略 乾隆十一年十一月據江蘇巡
撫陳疏稱松太所屬華寶二縣土石坦壩各工分別
平險酌定保限請將新築石塘離海一里以外或土
塘雖不及一里而坐非頂衝急溜者限以保固三年
等語應如所議定限辦理至疏稱土塘離海不及一
里及土塘在一里以外坐當迎溜頂衝者定以保固
二年坦水石壩單路石壩以及坦坡玲瓏石壩等工
保固一年搶築柴埽等工保固六箇月等語查建築
海塘因土工不能經久是以改建石塘以資護衛原
不得與土埽各工相比所有一切坦水石壩單路石
壩以及坦坡玲瓏石壩石塘等工離海一里內外雖
坐當迎溜頂衝者仍令保固三年其土塘離海不及
一里及在一里以外坐當迎溜頂衝者應准其保固
二年至搶修柴埽各工雖係倉險一時但異常潮汛

本非常有之事定以保固半年未免爲期太近至啓
苟節草率之弊應令保固一年該撫飭令工員照例
遵循倘於限內坍塌卽行著落承辦之員賠修如限
內遇有異常潮汐委非人力可施以致坍塌查明工
程原屬堅固錢糧俱歸實川者該督撫據實聲明保
題到日免其賠補如物料苟簡工程草率以致坍塌
者照例題參著落賠補可也

松江府志卷十二終